

## Хулхад тохрахар седв

Элет балгысна гүүлгәнә, Шарга-  
дык гидг күүртг бәәдг 18-ч номертә  
магазинд хулдач кәдлжәсн Калаш-  
никова Анна Николаевна, кесг са-  
рин туршарт государственн мөнъг  
бийдән авад бәәдг. 76-ч номертә  
геологоразведочн партин кәдлчирлә  
шанъгъа мөнъгәр таслвр угагъар эн  
әркдг бәәдг. Володин гидг күүтә  
бәәгбәд, түүгән асрдж теткдәдж.  
Эврәннә үүрмүдтән магазинә мөнъг  
әгйәгбәр өгдг бәәдг. Калашникова  
бас магазинәс идх хот-хоолан өнъгәр  
авад, гер-бүлән теткдг. государст-  
венн мөнъгәр үнтә хувц-хунр авдг  
бәәдг.

Кәдлжәсн магазинәсн 10 минъ-  
гын 777 арслнъг мөнъгн дутхла, Ка-  
лашникова эн дутджах мөнъгән хул-  
хад тохрахар седв.

Өрүгбәр ирәд, магазингән секәд,  
дотраснә эреднә нүк гаргъчкад, ма-

газинд Хулхачир орад өдрә ору—10  
минъгын арслнъ мөнъгтә сумкиг бо-  
лн нань чигн эд-тавр хулхалдж авч  
гидж зәнъглв.

Мөшклгәнә халхар Калашникован  
кесн герчлгәнә үнн-худлинъ хәлә-  
гбәд ирхлә, кен чигн хулха әс кесн  
болдж гарв, Калашникова өмн өдрнъ  
өдрә ору — 10 минъгын арслнъ  
мөнъг хулхалдж бийнъ авснъ  
иллгдв.

Государственн 10 минъгын 777 ар-  
слнъ мөнъг хулхалдж авчкад түүгән  
онъгдан күн авснд тохрахар седе-  
днә Калашникова заргъд өггдв.

Шидрхи, Приютненск района Олна  
заргъ Калашниковаг гемтгджәх  
керг-үүлиг хәләгбәд, энүг 10 джи-  
ләр цааджлв. Энүнә үзүлсн гаругъинъ  
цугинъ заргъар горторгд некдг авч  
өггдв.